

Bosna i Hercegovina
MINISTARSTVO PRAVDEБосна и Херцеговина
МИНИСТАРСТВО ПРАВДЕBroj: 09-02-167-6/24
Sarajevo, 05.02.2025. godine

Na osnovu člana 4. stav (1) tačke b) i c) Pravilnika o kriterijima i postupku za izbor ovlaštenih pečatoreznica za izradu pečata institucija Bosne i Hercegovine, broj: 09-02-167/24 od 22. 1. 2024. godine, te Pravilnika o izmjeni Pravilnika o kriterijima i postupku za izbor ovlaštenih pečatoreznica za izradu pečata institucija Bosne i Hercegovine, broj: 09-02-167-5/24 od 28.01.2025. godine i člana II stav (1) tačka b) Odluke o imenovanju članova Komisije za izbor ovlaštenih pečatoreznica, broj: 09-02-167/24 od 23. 1. 2024. godine, Komisija za izbor ovlaštenih pečatoreznica r a s p i s u j e

JAVNI POZIV

za izbor ovlaštenih pečatoreznica za izradu pečata institucija Bosne i Hercegovine

I

Objavljuje se Javni poziv za izbor ovlaštenih pečatoreznica za izradu pečata institucija Bosne i Hercegovine, sa sjedištem u Banjoj Luci, Mostaru i Sarajevu, na period od četiri godine.

II

Pozivaju se sva zainteresovana pravna lica, koja se u okviru svoje registrovane djelatnosti bave izradom pečata, te koja ispunjavaju uslove iz ovog Javnog poziva da dostave svoje prijave Ministarstvu pravde Bosne i Hercegovine, radi odabira tri ovlaštene pečatoreznice za izradu pečata institucija Bosne i Hercegovine.

III

Pečatoreznice trebaju ispunjavati sljedeće uslove:

1. da je registrovana u odgovarajućem registru pravnih lica, za vršenje pečatorezačke djelatnosti, shodno važećim propisima o registraciji poslovanja;
2. da ima registrovano sjedište u jednom od tri sljedeća grada: Banja Luka, Mostar ili Sarajevo;
3. da je upisana u registar poreskih obveznika i da nema dospjelih, a neizmirenih poreskih obaveza;
4. da protiv odgovornog lica ili obrtnika nije pokrenut niti se vodi krivični postupak za krivično djelo iz oblasti privrednog kriminaliteta, organizovanog kriminala, korupcije, prevare ili pranja novca, shodno važećim propisima u Bosni i Hercegovini;
5. da pored rukovodioca pečatoreznice ima najmanje jednog zaposlenog u radnom odnosu i
6. da posjeduje Cjenovnik usluga izrade pečata, adekvatne prostorije za rad i ispunjava uslove tehničke i elektronske osposobljenosti, shodno članu 3. Uputstva o postupku i načinu izrade, načinu vođenja i sadržaju evidencije o pečatima, uništavanju i stavljanju van upotrebe pečata institucije Bosne i Hercegovine („Službeni glasnik BiH“, broj 6/12) (u daljnjem tekstu: Uputstvo).

IV

Uz prijavu na Javni poziv, podnosioc prijave dužan je da dostavi sljedeća dokumenta:

1. izvod, potvrdu ili uvjerenje o registraciji u odgovarajućem registru,
2. uvjerenje o poreskoj registraciji – identifikacioni broj;
3. dokaz nadležne poreske uprave o izmirenju dospjelih direktnih poreza, doprinosa za PIO/MIO i doprinosa za zdravstveno osiguranje za zaposlene u pečatoreznici;
4. dokaz nadležnog suda u Bosni i Hercegovini da protiv odgovornog lica podnosioca prijave nije pokrenut niti se vodi krivični postupak za krivično djelo iz oblasti privrednog kriminala, organizovanog kriminala, korupcije, prevare ili pranja novca, shodno važećim propisima u Bosni i Hercegovini;
Neće biti prihvaćen dokaz u kojem nisu taksativno pobrojana sva naprijed navedena krivična djela, niti će biti prihvaćen dokaz izdat od stvarno i mjesno nadležnog suda;
5. ovjerenu izjavu podnosioca prijave da posjeduje stručno osposobljen kadar, adekvatne poslovne prostorije za rad, tehničku i elektronsku opremu za izradu pečata, shodno odredbama Uputstva, a koji je dostupan na web stranici Ministarstva pravde Bosne i Hercegovine www.mpr.gov.ba;
6. važeći cjenik usluga izrade pečata pečatoreznice, sa tačno navedenim cijenama, prema vrstama, materijalima i promjenjama pečata.

Prijava treba da sadrži kratko obrazloženje, vlastoručni potpis rukovodioca i pečat pečatoreznice. Prijava i svi priloci moraju biti dostavljeni u originalu ili ovjerenoj kopiji, ne stariji od tri mjeseca od dana podnošenja prijave.

V

Javni poziv objavljuje se u:

1. „Službenom glasniku BiH“ – Oglasi dio
2. Tri najtražija dnevna lista u Bosni i Hercegovini i
3. na web stranici Ministarstva pravde Bosne i Hercegovine.

Rok za podnošenje prijava na Javni poziv iznosi 15 (petnaest) dana od dana njegove objave u „Službenom glasniku BiH“.
Prijava sa traženom dokumentacijom podnosi se Ministarstvu pravde Bosne i Hercegovine, putem preporučene poštanske pošiljke, na adresu:

MINISTARSTVO PRAVDE BOSNE I HERCEGOVINE
(KOMISIJA ZA IZBOR OVLAŠTENIH PEČATOREZNICA)
TRG BIH BROJ 1
71 000 SARAJEVO

i uz naznaku:

PRIJAVA NA JAVNI POZIV ZA IZBOR OVLAŠTENIH PEČATOREZNICA ZA IZRADU PEČATA INSTITUCIJA BOSNE I HERCEGOVINE
(NE OTVARATI)

VI

Nepotpune, neblagovremene i neuredne prijave, te prijave koje ne ispunjavaju uslove Javnog poziva, biće odbačene, sukladno važećim propisima.

VII

Ministar pravde Bosne i Hercegovine će posebnim rješenjem ovlastiti pečatoreznice sa sjedištem u Banjoj Luci, Mostaru i Sarajevu za izradu pečata institucija Bosne i Hercegovine, na period od četiri godine.

MINISTAR
Davor Bunoza

Na osnovu člana 230. Zakona o privrednim društvima, člana 6., 7. i 8. Uredbe o vršenju ovlaštenja u privrednim društvima sa učešćem državnog kapitala iz nadležnosti FBiH, člana 106. i 131. Statuta UNIS „GINEX“ d.d. Goražde, Odluke Nadzornog odbora, broj: 08-40V-3/25 od 05.03.2025. godine, Nadzorni odbor UNIS „GINEX“ d.d. Goražde, objavljuje:

**OBAVIJEŠTENJE
O SAZIVANJU 16. VANREDNE SKUPŠTINE DIONIČARA
PRIVREDNOG DRUŠTVA UNIS „GINEX“ d.d. GORAŽDE**

I

16. vanredna Skupština dioničara privrednog društva UNIS „GINEX“ d.d. Goražde održat će se u petak 21.03.2025.godine, u poslovnim prostorijama Društva u Goraždu, ul. Višegradska bb, sa početkom u 16,00 sati, sa slijedećim prijedlogom DNEVNOG REDA

1. Izbor Predsjednika Skupštine i dva (2) ovjerivača zapisnika;
2. Donošenje Odluke o razrješnju člana Odbora za reviziju na lični zahtjev;
3. Donošenje Odluke o imenovanju člana Odbora za reviziju;
4. Donošenje Odluke o razrješnju člana Nadzornog odbora privrednog društva UNIS „GINEX“ d.d. Goražde na lični zahtjev;
5. Donošenje Odluke o razrješnju vršilaca dužnosti članova Nadzornog odbora privrednog društva UNIS „GINEX“ d.d. Goražde ispred državnog kapitala, radi okončanja konkursne procedure;
6. Donošenje Odluke o izboru i imenovanju članova Nadzornog odbora privrednog društva UNIS „GINEX“ d.d. Goražde na mandatni period od 4 (četiri) godine;
7. Donošenje odluke o utvrđivanju elemenata za zaključenje Ugovora sa Predsjednikom i članovima Nadzornog odbora.

U Odbor za glasanje imenuju se:

1. Amela Herak - Predsjednik,
2. Senad Hurić - član,
3. Mensura Mirvić- član

i zamjenici članova: Elvira Tutić Pršeš i Muamera Perjan.

Zapisničar: Aneta Dučić-Hurić-Sekretar Društva. Zamjenik zapisničara je Aneta Adžamija.

II

Dioničar ili grupa dioničara s najmanje 5% ukupnog broja dionica sa pravom glasa ima pravo pisano predložiti izmjenju dnevnog reda i prijedloga akata Skupštine Društva najkasnije osam dana od dana objavljivanja ovog Obavještenja.

III

Pravo učešća u radu i odlučivanju Skupštine imaju dioničari upisani u listu dioničara UNIS „GINEX“ d.d. Goražde kod Registra vrijednosnih papira u Federaciji Bosne i Hercegovine, 30 dana prije datuma održavanja Skupštine ili posljednjeg radnog dana koji prethodi tom roku, ako on pada u neradni dan.

IV

Pravo učešća u radu i odlučivanju Skupštine dioničar može ostvariti lično ili putem punomoćnika koji može biti svako poslovno sposobno fizičko lice ili pravno lice registrovano za poslove posredovanja u prometu vrijednosnih papira i udruženja sa statusom pravnog lica osnovanog i registrovanog radi udruživanja i zastupanja dioničara, u kojem slučaju ovlaštenja iz punomoći vrši zakonski ili opunomoćeni zastupnik takvog pravnog lica.

Jednog dioničara na Skupštini može zastupati samo jedan punomoćnik.

V

Dioničar-punomoćnik koji želi učestvovati u radu i odlučivanju Skupštine obavezan je u roku od 24 sata prije datuma određenog za održavanje Skupštine u pisanom obliku podnijeti Odboru za glasanje prijavu učešća u radu i odlučivanju Skupštine.

Prijava se dostavlja Društvu lično, poštanskom pošiljkom, na e-mail: ginexinfo@bih.net.ba ili fax broj: +387 38 221 402.

Punomoć za učešće u radu i odlučivanju Skupštine daje se nakon objavljivanja ovog Obavještenja u obliku pisane izjave potpisane od dioničara i punomoćnika, ovjerenog u skladu sa propisima.

Punomoćnik je dužan uz prijavu za učešće u radu i odlučivanju Skupštine priložiti punomoć, a ukoliko punomoć nije dostavljena u originalu, original se dostavlja na samoj Skupštini.

VI

Obrazac prijave i punomoći (osnovni elementi) može se preuzeti od Odbora za glasanje u sjedištu Društva, ul. Višegradska bb, Goražde.

VII

Glasanje na Skupštini Društva se odvija putem glasačkih listića koji sadrže: ime ili firmu dioničara i broj glasova kojim raspolaže.

VIII

Dioničari ili njihovi punomoćnici su dužni da se, uz ispravnu identifikaciju, registruju kod Odbora za glasanje i preuzmu glasačke listiće najkasnije 15 minuta prije vremena zakazanog za održavanje sjednice Skupštine Društva.

IX

Uvid u materijale dioničar/punomoćnik može izvršiti neposredno u Društvu, svaki radni dan u vremenu od 08,00 do 14,00 sati u periodu od objavljivanja ovog obavještenja do dana održavanja Skupštine.

X

Ovo Obavještenje sa materijalima objavljeno je i na web stranici Društva.

NADZORNI ODBOR
UNIS „GINEX“ d.d. GORAŽDE